

加以兩院上皇不奔渭陽之勞功擢以親舅矣今上陛下不遺豐沛之父老賞以外祖焉太后降尊忝存爲子之道少陽厚禮猶有稱孫之名其外竹園蘭坂多是臣之枝苗二府九卿半又臣之弟姪書契以還未有才德薄寵榮厚如臣者矣是以葉公魂驚何更扶龍圖而招半死華封齡老唯須祝鳳曆而送餘生臣縱遁崇班以棲野雲命存則可仰聖化臣若叨重寄以先朝露位尊亦無益微躬方今塵曠漸深慙懼彌劇昔秉鈞柄而過九十寧非安平之強健哉今辭官職而至再三則是暗懦之疴羸也雖降十勅何改一心伏望鴻慈殊矜微懇聽臣款闕之請不異敢諫之鼓靜臣懸旆之心自爲進善之旗無任挹滿之至謹重遣正四位下行右近衛中將兼伊豫守藤原朝臣道賴抗表陳乞以聞臣某誠兢誠惕頓首頓首死罪死罪謹言

永祚二年四月廿一日太政大臣從一位藤原朝臣某上表

〔公卿補任一條〕攝政太政大臣從一位藤兼家出家人准三宮初例永祚二年五月五日辭攝政太政大臣更詔

關白八日返關白依病入道法名如意十二月詔賜度者一百人廿三日詔書云准三宮任人賜爵之儀擬三

宮以不改采邑茅土之制割二千而殊加者固辭不受七月二日薨于東三條第

〔公卿補任一條〕左大臣正二位藤道長長德二年七月廿日叙正二位廿一日大將如元八月九日辭

大將以童六人爲隨身十月九日停童爲左右近衛府生各一人近衛各四人

內覽童隨身六人給之九條右大臣師輔例云々

〔本朝文粹表五〕爲入道太政大臣藤原道長辭左大臣並章奏隨身等表

臣某言頻表仰恩未蒙矜遂馳意半漢秋駕之騎方危盡詞披陳春木之筆欲腐臣某謝中臣聲源淺薄才

地荒蕪偏以母后一條母之同胞不次昇進亦因父祖之餘慶匪德登用彼周公旦之夕見七十也臣

未能薦一士叔孫通之朝儀三千也臣未能出一言冰魂雪汗四廻于茲天譴鬼瞰萬念于懷中伏望

弘慈曲降叡鑑臣所帶官及內外章奏觸臣宣行之事忽從停止又隨身近衛府已下十人名付本府令

江匡衡